








XVI  
QVIRIA





1050.15

THESES  
CANONICÆ  
EX QVINQUE DECRETALIVM LIBRIS  
GREGORII PAPÆ IX.  
FELICISSIMIS SVB AVSPICIIS  
ILLVSTRISSIMI AC REFERENDISSIMI DOMINI

D. THOMÆ  
EX COMITIBVS  
DE GHERARDESCA  
ARCHIEPISCOPI FLORENTINI  
PVBLICE PROPVGNATÆ  
IN ABBATIA FLORENTINA

A D. ARCHANGELO  
FRANCESCHINI  
MONACHO CASINATE  
ASSISTENTE

D. ANGELO MARIA  
QUIRINI  
IBIDEM LECTORE.

FLORENTIÆ. MDCCV.

Nella Stamperia di Celare Bindi. *Con licenza de' Superiori.*





THE UNIVERSITY OF CHICAGO  
LIBRARY

1059.18



# ILLVSTRISSE

A C

## REVER. DOMINE



A est, Illustris. ac Reverendis. Domine, vetus atque vulgata Hominum nostrorum consuetudo, ut seu Canonicas, seu Theologicas, seu Philosophicas Theses propugnaturi haud quaquam in Arenam descendant, quin sibi prius Mæcenatem, in quo summa autoritas sit atque amplitudo, delegerint. Bene ac sapienter; cum ut Clarissimorum Virorum

conspectu dicentis animus reficiatur, recreeturve; tum ut, quemadmodum aliorum omnium, ita literarij quoque Ludi nulla res sit; quæ rite, sine ipsorum operæ atque præsidio peragatur. Quem tamen morem non unquam magis usurpandum, colendumve reor, quam quum in publicum prodeuntes studijs nostris coronidem imponimus, non ijs quidem quibus ob inexhaustam

A 2

quan-

4  
quandam animis nostris insitam sciendi cupiditatem certi fines non sunt, sed quibus sub Mystagogis, ut ita dicam, bonarum artium ac disciplinarum sacris initiatur. Tot siquidem tamque graves nocturnis diurnisque horis in literario curriculo impensi labores eo tandem collimant; ut ijs defuncti publico periculo facto optatam prospero exitu metam contingamus. Quum mihi itaque in hoc recensitis articulo supremi certaminis iacienda sit alea, Te Te appello Illustrissimum ac Reverendissimum Dominum, Te sapientissimum Virum, Te Mæcenatem amplissimum, Te Ansistitem omni laudum genere cumulatum; Quas si in hoc Thesium Proloquio, ut assolet, captum summarimque delibem, qui fiet, ut mihi maxime Tuis, clarissimisque virtutibus digna contingat Oratio? quin vereor ne istas ingenij mei culpa deterere videar atque Tuo detrudere

*Harentem capiti summa cum laude Coronam.*

Quis enim pervetustam Familiae Tuae ex Longobardorum genere prognata dignitatem, præclara Avorum Tuorum facta, imperium in quam plurima oppida, diuturnum Pisarum principatum, nuptias cum regio sanguine iunctas, egregia in Patriam, & in exteris etiam regiones merita digne commemoraverit? Quis pulcherrimum illum, qui in Teipso rehidet, Virtutum omnium consensum, præstantissimasque animi dotes, quibus longo intervallo vel Maioribus Tuis antecellis? Quæ omnia magnificis quidem laudationibus exornanda, at non inter arctos, quæ Proloquium hoc describitur, fines, neque in hac Vrbe, in qua nemo prorsus est, qui in Antistite suo Thoma non oculos atque ora delixerit, Quotus quisque est qui ignoret, Te vix dum in Canonicorum Primariæ Ecclesiæ Collegium cooptatum Romanam addiscendæ Iurisprudentiæ causa commigrasse, reversumque primum quidem in Pontificii Legati, deinde in Archiepiscopi Tui Tribunali sedisse, atque ubique raro fidei & equitatis exemplo iniunctam tibi provinciam

ad.

5  
 administrasse? Deinceps vero, ut Tua Te merita, &  
 singularis integritas vitę multis magnisque rebus specta-  
 ta ad Fesulanum solum exerent; ubi admirabile il-  
 lud incorrupti iudicii spectaculum edidisti, quod, quum  
 Tibi de quibusdam Ecclesię Tuę prędiis ac proin-  
 de proventuum Tuorum parte illata lis esset, ea fuit ad-  
 versariorum securitas, ut Te ipsum iudicem sumpserint,  
 ea animi Tui constantia, ut in Te ipsum sententiam  
 pronuntiaveris: in quo sane Romanum illum Consulem  
 prętergressus, qui quum Camertum bonis auctum gra-  
 rium, propagatosque imperii fines comperisset, atque  
 id iure an iniuria factum ignoraret, legem de ipsis in-  
 pristinum restituendis, rogavit. Itaque, quum omni-  
 bus maiori provincia dignus videreris, a Fesulana Spon-  
 sa divulsus, atque ad florentissimę huius Ecclesię Tho-  
 rum transductus eo demum pervenisti, quo Te Civium  
 amor, populi desideria, ac totius Civitatis vota voca-  
 bant. At Ipse [notum id etiam pervulgatumque] quę  
 est animi Tui moderatio, honores quosvis, ceu alii ca-  
 lamitates, deprecabaris, & quum ad eorum fastigia rape-  
 reris, invitus quodammodo recedebas, Solis instar, qui  
 licet Octavę, quam vocant, Sphęrę ab infera ad supe-  
 ram Cęli plagam irrequieto motu feratur, ipse tamen  
 in Orbe suo retro contrario motu versatur. Neque ve-  
 ro hoc tantum modestię tuę recessu, sed alijs etiam mul-  
 tisque in Pastoralis muneris curatione Astrorum Principem  
 æmularis, nam, ut ille cuncta splendore suo lustrat ac com-  
 plet, ita Ipse ubique Sanctitatis, Prudentię, Humanitatis, Do-  
 ctrinę, ac denique Virtutum omnium beatissima luce co-  
 ruscas. Fuit hæc amplissimę huius Ecclesię prę cęteris  
 laus, si vel ipsa nascentis exordia repetamus, ut non  
 nisi Sanctissimos Pręfules, magnęque doctrina, & alta  
 mente pręditos habuerit; eritque semper, cum ob insi-  
 gnem divinisque laudibus extollendam Mediceorum Prin-  
 cipum pietatem, cum ob Cleri huius gloriam atque am-  
 plitudinem. Attamen quum Te ipsum intueor, Teque

contemplor, sperare videor, fore ut ad Thomæ exemplar, tanquam ad perfectam quandam veterum huius Ecclesiæ Patrum imaginem, insequentium ætatum Antistites a Civibus exigantur. Fuit, fuit etiam Florentinorum Pontificum hic honos, ut plerique ex hoc dignitatis apice sacra Purpura donati ad altiorem gradum ascenderent; idemque Tibi non vana spe ducti, sed Tuis summis Virtutibus freti brevi eventurum confidimus; quin tanquam pro maximo totius Ecclesiæ bono communia vota nuncupamus. Accipe faustum hoc omen, Illustrissime, ac Reverendissime Domine, atque interim mihi disputationis fluctus subeunti.

*Da facilem cursum atque audacibus annue ceptis.*



THE-

# THESES CANONICÆ

**S**ummus Pontifex Romanus potestatem habet condendi leges ecclesiasticas pro tota Ecclesia, leges v. politicas ferre potest intra proprium Territorium temporale: Principum tamen leges aeternæ salutis dispensum continentes ad Summum Pontificem

l. spectat impetrare, & revocare. c. unam sanctam Extrav. de Maior. & obed. t. ad abolendam de Hæreticis & alibi.

## II.

Consuetudo nequit cadere nisi supra eam materiam, supra quam cadere posset lex scripta arg. Text. 12. c. ex literis de consuet. quare nequit consuetudo introduci contra ius naturæ, vel Divinum, contra Ecclesiam, Religio-  
nem vel bonum publicum c. 2. de q. c. ex parte de consuet.

## III.

Postulatur ad Prælaturam, cum quis de iure communi per viam Electionis promoveri nequit, requiritur tamen ut ad eam concurrant duæ tertie partes: Capitularium, si Postulatio: cum Electione concurrat c. 40. de Elect. sed si nulla ex adverso concurrat Electio, sustinetur Postulatio facta a maiori parte Capituli.

## IV.

Electiones Ecclesiasticæ, quæ nequaquã ad populum spectant, triplici modo canonicè contingere possunt 1. per scrutinium iuxta regulam traditam in c. quia propter de Elect. 2. per compromissum d. c. quia propter 3. per Inspirationem, vel quasi Inspirationem, at in ipsis sortes adhibere non licet.

Tran-

## V.

Translationes Episcoporum, aliorumque Prælatorum superiorum pertinent ad solum summum Pontificem, ex eo quod huiusmodi translationes inter maiores causas sunt relatæ *c. cum ex illo c. inter corporalia, c. licet de Translatione.*

## VI.

Pallij traditio confert auctoritatem, & plenitudinem pastoralis officij, quam ante pallij traditionem habet Archiepiscopus tantum in habitu, non autem in actu, licet nondum recepto pallio possit exercere actus minus principales, quos tantum stola indutus exercere solet *t. de Prestate & Vsu Pallij*

## VII.

Is ad quem spectat collatio Beneficij, elapso semestri illud conferre non potest, & si conferat collatio est nulla, nisi sustineatur ex æquitate, eius tamen negligentia ab immediato Superiore suppletur *c. licet, c. literas, c. dilectus de supplen. neglig. Prælat.*

## VIII.

Ordines conferri possunt a solo Episcopo proprio qui est vel originis, vel domicilij vel beneficij; pro quo est observanda specialis *Bulla Innoc. XII.*

## IX.

In promovendis ad beneficia diversa ætatis requiritur, ad Episcopatum enim 30. anni completi desiderantur *c. 7. de Elect.* ad alia beneficia curata, Parochias, Archidiaconatus, Præposituras, Decanatus, Abbatias, & similia sufficit ætas 25. annorum, secus v. si nullam habeant annexam curam Animarum, nam tunc satis est ætas 22. annorum, ad beneficia v. simplicia licet de iure communi sufficiant 7. anni, de iure tamen *Tridentini* 14. desiderantur.

## X.

Filij Presbyterorum legitimè suscepti possunt quidem ad sacros ordines promoveri, neque ipsi tamen, neque a  
for-

fortiori illegitimi possunt sine Papæ dispensatione sive  
immediatè sive mediatè in beneficijs paternis institui c.  
*dilectus de Filijs Presbyterorum.*

XI.

Assumi nequeunt ad ordines 1. qui patiuntur defectum na-  
taliū ut sunt Incestuosi, Nefarii, Sacrilegi, Spurij 2.  
obligati ad ratiocinia c. *Vn. de obligatis ad ratiocinia*, 3.  
corpore vitiati c. *de Presbytero de corpore vitiatis*, qui pro-  
pria voluntate passus est virilium sectionem pariter est  
ab ordinatione removendus c. *ex parte eod. t.* 4. Biga-  
mus ex defectu significationis Matrimonij Spiritualis in-  
ter Christum & Ecclesiam unicam & Virginem c. *cogno-  
scamus d. 34.*

XII.

De iure divino & non ex Ecclesiæ institutione competit  
summo Pontifici maioritas supra quoscumque Prælatos  
Ecclesiasticos proinde a nemine iudicari potest, & eo-  
dem iure Episcopis supra inferiores Presbyteros *Trid. s.*  
*23. c. 4. & tit. de maior. & obed.*

XIII.

Capitulum Sede vacante beneficia quæ vel ex iure commu-  
ni vel aliunde ad liberam collationem ipsius Episcopi  
spectant conferre non potest c. *unico ne Sede vacante in 6.*

XIV.

In beneficijs Ecclesiasticis non succeditur iure sanguinis vel  
hereditario sed ex institutione canonica c. *i. de Prab-  
dis & dignit.*

XV.

Permutatio Præbendæ seu beneficij facta irrequisito pro-  
prio Prælato nulla est, imo qui permutavit propria au-  
thoritate, privatur beneficio ita permutato c. *maior. de  
Prab. c. un. de Rer. perm. in 6.*

XVI.

Episcopus de rebus patrimonialibus Testamentum facere  
potest, de rebus v. intuitu Ecclesiæ acquisitis testari non  
valet c. *quorundam de testam.* At vitam monasticam seu re-  
gu-



10  
gularem professi nullatenus Testamentum facere possunt  
*c. quia ingredientibus eod. tit.*

XVII.

Eligens sepulturam in Monasterio aut in loco religioso ibi  
sepeliendus est, debetur tamen portio quarta propriæ  
Parochiæ de relictis Ecclesiæ in qua sepelitur *c. 1. & 2.*  
*c. certificari c. in nostra de sepult.*

XVIII.

Excommunicati ab uno Episcopo, ab alio recipi non per-  
mittuntur; si autem in excommunicatione decesserint,  
non sunt tradendi sepulturæ Ecclesiasticæ, & si de facto  
intra Ecclesiam sepeliantur, exhumandi sunt, si discerni  
possint ab alijs fidelium corporibus *c. sacris de sepulturis.*

XIX.

Petens seu recipiens a Principe sæculari bona Ecclesiastica  
illis privari debet, & excommunicari *c. qui res Ecclesiæ de*  
*Rebus Ecclesiæ.*

XX.

Res Ecclesiæ alienari non debent. *Clem. 1. de Rebus Ecclesiæ.*

XXI.

Prælati Ecclesiæ non potest res donare nisi modicæ sint,  
& adsit consuetudo *c. cæterum de donationibus.*

XXII.

Ecclesia potestatem habet dimittendi quæcumque crimina  
contra Novatianos, imo nunquam ipsius disciplina fuit  
verè pœnitentibus omnem pœnitentiæ aditum præclu-  
dere *c. talis de Pœnit. d. 3.*

XXIII.

Solemniis pœnitentia potest ab Ecclesia pro publicis pec-  
catis imponi, non tamen Clericis nisi prius depositis, ut  
in antiqua Ecclesiæ disciplina observabatur, *c. confirman-*  
*dum & seqq. d. 50.*

XXIV.

Religiosi fugitivi annuatim sunt requirendi, & cogendi ut  
ad Claustrum revertantur *c. Religiosi de Regularibus.*

Vota

## XXV.

Vota possunt Eleemosynis redimi, vel in aliud commutari Superioris intercedente autoritate *c. 1. 20. q. 3.* at omne votum commutabile est propria autoritate in votum solemne Religionis *c. Scriptura Sacra de Voto & Voti Redempcione.*

## XXVI.

Monachus, seu Religiosus non debet aliquid peculiare possidere, alias si cum proprietate decedat, privatur Ecclesiastica sepultura *c. super quodam de statu Monach.*

## XXVII.

Patroni, qui si laici sint, possunt variare, & duos successive presentare *c. quod autem de Iure Patron.* non possunt Clericos instituere absque Episcopi autoritate, alias tam ipsi, quam Clerici ab eis Ecclesias recipientes excommunicantur *c. praterea cod. 1.*

## XXVIII.

Clerici in sacris constituti debent omnino continentiam servare etiam ab usu illius Matrimonij quod ante ordinum susceptionem contraxerunt, & hoc iuxta antiquissimam Ecclesie disciplinam atque consuetudinem; imo neque possunt cum uxoribus antea ductis cohabitare *c. ad apostolicam de convers. coniug.*

## XXIX.

Si altare motum fuerit, aut lapis principalis contractus de novo debet consecrari, non v. ipsa Ecclesia *c. ad hac de Consecr. Eccles.* & hanc nullo modo potest simplex Presbyter consecrare, nec eam violatam reconciliare etiam ex delegatione Episcopi. *aqua cod tit.*

## XXX.

Baptismus, qui recte infantibus ab Ecclesia conceditur, quique collatus in nomine Christi non valet, valide semel susceptus iterari non potest *c. 1. de Bapt. & eius effectu*, proinde ab Hæreticis sub Ecclesie forma baptizati rebaptizari prohibentur.

## XXXI.

Cultus imaginum neque pugnat cum lege Dei, neque unquam fuit ab Ecclesia improbatum, *Cont. Nicen. 2. adversus Iconomachos* nemo tamen potest publico pietatis cultu venerari, nisi ab Apostolica Sede fuerit beatus declaratus, quamvis miracula faciat c. *1. de Reliquijs & vener. SS.*

## XXXII.

Reus criminis etiam immanis, dummodo non sit de exceptis ad Ecclesiam confugiens ab ea extrahi non potest, non tamen si quis ad Ecclesiam recurrat mutandę conditionis causa *toto t. de Immunit. Eccles.*

## XXXIII.

Clerici, & Monachi non debent Sæcularibus negotijs se immiscere *t. ut Clerici vel Monachi sæcularibus negotijs se immisceant.*

## XXXIV.

Pretium recipere pro habitu monastico Simoniacum est, & illud recipientes suspenduntur ab officio c. *veniens de Simonia.*

## XXXV.

Ecclesia vel Iurisdicção Ecclesiastica sub annuo censu seu pretio concedi non debet *t. de Prælati ne vices suas.*

## XXXVI.

In qualibet Ecclesia Cathedrali providendum est de Magistro qui Clericos Sæculares pauperes doceat & ne pro licentia docendi aliquid exigatur, *t. de Magistris.*

## XXXVII.

Iudæi inter Christianos commorantes veteres Synagogas reficere & reparare valent, novas v. erigere nequeunt c. *Iudæi de Iudæis & Sarracenis & eorum servis.*

## XXXVIII.

Iudæi inviti & renuentes cogendi non sunt Baptismum suscipere c. *sicut iudæi de Iudæis.*

## XXXIX.

Iudæi seu Pagani non debent præfici iudicijs publicis aut  
iu-

jurisdictionem exercere inter Christianos *c. cum sit nimis de Iudæis.*

XXXX.

Dubitans in fide Hæreticus est *c. 1. de hæret.*

XXXXI.

Hæretici & eorum fautores seu receptatores excommunicantur & ita decedentes Ecclesiastica sepultura privantur *c. excommunicamus 13. & 15. de Hæret.*

XXXXII.

Hæretici impenitentes seu pertinaces in errore tradendi sunt Curia seculari & si Clerici sunt prius degradantur ac omnibus beneficijs privantur *c. 1. c. ut commissi c. pen. de Hæret. in 6.*

XXXXIII.

Laici in Ecclesia prædicare non debent, nec de mysterijs fidei in conventiculis disputare *c. sicut in uno de hæreticis.*

XXXXIV.

Ordinationes factæ ab Schismaticis nullæ sunt quo ad exercitium gradus collati nisi dispensatum sit cum ita ordinatis *c. fraternitati de Schismaticis.*

XXXXV.

Clerici qui dimisso habitu Clericali ut Laici conversantur privantur privilegio fori & Canonis *c. 1. de Apostatis.*

XXXXVI.

Baptizati si ad ritus Iudaicos seu paganos redierint coguntur eos relinquere & fidem quam semel professi fuerunt custodire. *c. quidam de Apostatis.*

XXXXVII.

Monachi deferentes habitum & professionem sunt retrahendi & carceri mancipandi ac alijs pœnis puniendi *c. a nobis c. consulationi de Apostatis.*

XXXXVIII.

Clericus interdictus seu excommunicatus celebrans deponitur irregularisque manet ex iuribus compilatis in *1. de Clerico excommunicato c. si Episcopus & sequenti 11. q. 3.*

Or-

## XXXXIX.

Ordinatus per saltum suspenditur & gradus omnis illic conferendus est *c. tua nobis de Clerico per saltum promot.*

## L.

Prælati non debent excommunicare subditum nisi competentis monitione præmissa *c. sacro de sent. excom.*

## LI.

Monachi & Canonici Regulares quocumque modo se in Claustri percusserint non sunt ad Apostolicam sedem mittendi, sed ipsis per Superiorem suum absolutio est impendenda *c. canonici de sent. excom.*

## LII.

Abbatissa non potest Canonicas suas seu Moniales & Clericos sibi subiectos excommunicare licet possit ab officio suspendere *c. dilecta de maior. ob. obed.*

## LIII.

Quod latenter aut per vim aut alias illicite introductum est; nulla debet stabilitate subsistere *c. quod latenter de Regulis juris.*

---

*Disputabuntur die 19. Aprilis hora 21.*

1059.18









